

SEÑORA CU YAMADA PA JUFFROUW QUANDT OF MENEER ANTHONY DI SETAR

ORANJESTAD (AAN) -- "Desde año 1993 mi a yena solicitud na SETAR pa haya telefon y te ainda nada. Cada vez cu mi tin un emergencia mi mester fia telefon cerca algun bisiña, y mi sa kico mas pa haci ni unda pa bay, pa mi haya mi telefoon", un señora a comenta na redaccion di DIARIO, unda el a dicidi di yama como ultimo alternativa pa wak si via nos matutino SETAR ta cumpli cu pone telefoon na su cas. Ta trata aki di un hende grandi, cu problema di salud, cu ta biba su so den un cas na Benestraat. Segun e persona ta bisa el a cana tur caminda cu tin y hasta a manda un carta pa e ministerio concerni, pero te ainda su problema no tin solucion. Na SETAR su caso ta bon conoci, segun e ta bisa, pasobra continuamente e ta yamanan for di telefoon di un bisiña, y semper e ta worde bisa cu ta un Juffrouw Quandt of un Meneer An-

thony tin cu yude, pero cada vez cu e ta trata di haya contacto cu nan, esun cu coge telefoon ta bise cu nan no tey of cu nan ta cu vacancy. Pa e señora no ta facil pa bishita SETAR cada vez pasobra su salud no ta mucho bon. E ta bisa DIARIO cu hopi biaha e ta puntra su mes ta di con nos comunidad tin cu paga pa un edificio asina grandi keda na pia, y pakico pueblo mester paga pa un cantidad grandi di empleado gana un salario na SETAR, si pa un simple ponemento di telefoon na un departamento unda tanto hende ta traha tin dos persona so por yudabo, anto dificil di haya nan pa colmo. E ta enfatiza cu no mester tin tanto hende den e mesun departamento si solamente un of dos persona por yuda un hende cu ta haci peticion pa telefoon, y pa colmo un ciudadano cu ta wardando pa

casi 3 año caba pa e worde yuda. A traves di DIARIO e

señora aki kier a haci un yamada na Juffrouw Quandt of Meneer Anthony pa nan

yude haya su telefoon cual peticion tin 3 año bieu na SETAR.

MARIACHI LIRIOS DEL CAMPO MARIACHI DI AÑA



Directiva di Mariachi Lirios del Campo ta gradici tur su fanaticonan y henter e pueblo di Aruba cu nan a ser eligi como e Mariachi di Año, alavez ta desea henter e pueblo di Aruba un feliz y prospero año 1996 y cu Dios bendiciona nos pais Aruba. Sigur cu e Award cu nos a ricibi como e Mariachi di Año, lo haya un bon lugar den mi cas y nos ta priminti henter Pueblo di Aruba cu boso Mariachi lo bin cu hopi proyectonan nobo pa 1996 y nos ta spera cu henter e pueblo di Aruba lo respalda nos manera semper ta e deseo.

JUNI DE FREITAS AINDA DEN OREO

ORANJESTAD (AAN): Un lector a puntra DIARIO kico tin di berdad cu Juni de Freitas no ta den OREO mas. Un investigacion cu DIARIO a haci a revela cu de Freitas a haye envolvi den un accidente y pesey no por actua den e banda e dos lunanan cu a pasa. Sinembargo pa Carnaval e lo a recupera bastante cu e ta tocando atrobe. Pues ningun momento e noticia cu a circula den otro corant ta basa riba berdad.

Madam Jeanet

ANTESALA DI MAÑAN

Despues di e dianan di fiesta, e situacion a normalisá atrobe y awe nos ta cuminsá publicando semanalmente e tradicional antesala. Nel Oduber si tin "guts" di yama Henny criminal, pasobra el a nombra Yvonne Lee-Perez como hefe interino di Setar, pasobra e lo ta prima di ministro Tico Croes. Ma acaso e no ta prima y tambe di Ramon Lee? Y kico boso ta pensa cu durante e gobernacion di 5 año y mey di MEP e cantidad di "technische bijstand" a subi di 41 pa no menos cu 117 hulandes europeo!

Caramba, nos tin tur comprension pa e chauffeurman di taxi, kendenan ta nenga di trecemi San Miguel, pasobra e situacion ta asina cu rond di e buracunan tin un tiki caminda. Continuando cu nos charadanan, atrobe nos tin e siman aki un persona sumamente special. Atrobe e hipocrecia di Hulanda y con! Enfin, boso mes lesa boso ehemplar di e matutino "Diario" mañan mainta tempran.

UN
A
N
O
C
H
I
C
A
R
I
B
E
Ñ
O

CU CARLOS BISLIP den cocierto

Artistanan invita di Puerto Rico

Jose Mariano Morales

Luis "Perico" Ortiz

Artistanan invita di Aruba

Delbert Bernabela

Fio Wester

Ivan Quandus

Franklin Granadillo

Pedro Velasquez

Lucio Rivadeneira

Johnny Croes

FECHA: 16 Januari 1996

LUGAR: CAS di CULTURA

HORA: 8:00 P.M.

SPONSORS: **W6Ca** **Old Parr**

Tickets Obtenibel na TOKA MUSIC
Prijs: Afl. 15,=